

**APELACIONI SUD BRČKO DISTRIKTA  
BOSNE I HERCEGOVINE**

Broj: 097-0-Su-08-000160

Brčko, 07.03.2008. godine

Na osnovu člana 18. stav 1. tačka 4. Poslovnika o radu Apelacionog suda Brčko Distrikta Bosne i Hercegovine, opšta sjednica Apelacionog suda Brčko Distrikta BiH razmatrajući neodređene vrijednosti kao zakonska obilježja pojedinih krivičnih djela u Krivičnom zakonu Brčko Distrikta BiH, dana 07.03.2008. godine, usvojila je slijedeće

**PRAVNE STAVOVE**

1. **"Veći iznos"** kao zakonsko obilježje krivičnog djela:

- lažna poreska isprava iz člana 268. stav 2. Krivičnog zakona Brčko Distrikta BiH, (u daljem tekstu: KZ BD BiH),

postoji ako iznos prelazi 10.000,00 (desethiljada) KM.

2. **"Veća vrijednost"** kao zakonsko obilježje krivičnog djela:

- protivzakoniti lov iz člana 313. KZ BD BiH,

postoji ako vrijednost prelazi 10.000,00 (desethiljada) KM.

3. **"Znatna imovinska korist"** kao zakonsko obilježje krivičnih djela:

- iznuda iz člana 289. stav 2. KZ BD BiH,
- ucjena iz člana 290. stav 2. KZ BD BiH,

postoji ako vrijednost imovinske koristi prelazi iznos 15.000,00 (petnaesthiljada) KM.

4. **"Imovinska korist velike vrijednosti "** kao zakonsko obilježje krivičnog djela:

- pranje novca iz člana 265. stav 2. KZ BD BiH,

postoji ako vrijednost imovinske koristi prelazi 50.000,00 (pedesethiljada) KM.

5. "**Imovina većeg obima**" kao zakonsko obilježje krivičnih djela:

- izazivanje opšte opasnosti iz člana 317. stav 1. i 2. KZ BD BiH,
- oštećenje zaštitnih uređaja na radu iz člana 319. stav 1. i 2. KZ BD BiH,
- nepropisno i nepravilno izvođenje građevinskih radova iz člana 320. stav 1. KZ BD BiH,
- neotklanjanje opasnosti iz člana 325. stav 1. i 2. KZ BD BiH,
- ugrožavanje javnog saobraćaja zbog omamljenosti iz člana 327. stav 1. KZ BD BiH,
- ugrožavanje javnog saobraćaja opasnom radnjom iz člana 328. stav 1. KZ BD BiH,
- nesavjestan nadzor nad javnim saobraćajem iz člana 329. stav 1. i 2. KZ BD BiH,
- sudjelovanje u grupi ljudi koja počinu krivično djelo iz člana 335. stav 1. KZ BD BiH,

postoji ako vrijednost imovine prelazi iznos od 30.000,00 (tridesethiljada) KM.

6. "**Imovina većih razmjera**" kao zakonsko obilježje krivičnog djela :

- ugrožavanje javnog saobraćaja iz člana 326. stav 1. i 2. KZ BD BiH,

postoji ako vrijednost imovine prelazi iznos od 30.000,00 (tridesethiljada) KM.

7. "**Znatna šteta**" kao zakonsko obilježje krivičnih djela:

- oštećenje, uništenje ili nedozvoljen izvoz spomenika kulture i zaštićenih objekata iz člana 315. stav 2. KZ BD BiH,
- nedozvoljeno obavljanje istraživačkih radova i prisvajanje spomenika kulture iz člana 316. stav 2. KZ BD BiH,
- oštećenje računalnih podataka i programa iz člana 387. stav 3. KZ BD BiH,
- nepostupanje po propisima za suzbijanje bolesti životinja i biljaka iz člana 304. stav 3. KZ BD BiH,

postoji ako šteta prelazi iznos od 15.000,00 (petnaesthiljada) KM.

8. "**Znatna imovinska šteta**" kao zakonsko obilježje krivičnog djela:

- nesavjesno privredno poslovanje iz člana 236. stav 1. KZ BD BiH,

postoji ako imovinska šteta prelazi iznos od 15.000,00 (petnaesthiljada) KM.

9. "**Velika šteta**" kao zakonsko obilježje krivičnog djela:

- terorizam iz člana 198. stav 4. tačka d. KZ BD BiH,  
postoji ako šteta prelazi iznos od 10.000,00 (desethiljada) KM.

10. "**Znatna privredna šteta**" kao zakonsko obilježje krivičnog djela:

- terorizam iz člana 198. stav 4. tačka d. KZ BD BiH,  
postoji ako privredna šteta prelazi iznos od 15.000,00 (petnaesthiljada) KM.

11. "**Šteta velikih razmjera**" kao zakonsko obilježje krivičnih djela:

- uništenje zasada iz člana 307. KZ BD BiH,
- zazivanje šumskog požara iz člana 311. KZ BD BiH,

postoji ako šteta prelazi iznos od 50.000,00 (pedesethiljada) KM.

12. "**Imovinska šteta velikih razmjera**" kao zakonsko obilježje krivičnih djela:

- onečišćenje okoliša člana 297. stav 4. i stav 6. KZ BD BiH,
- teška krivična djela protiv opšte sigurnosti ljudi i imovine iz člana 322. stav 1. i 3. KZ BD BiH,
- teška krivična djela protiv sigurnosti javnog saobraćaja iz člana 330. stav 1. i 3. KZ BD BiH,

postoji ako šteta prelazi iznos od 100.000,00 (stotinhiljada) KM.

**PREDSJEDNIK SUDA,**

Damjan Kaurinović